


Deporte Local

Medaya di Oro pa Hugo Themen den Campeonato Panamerican Masters Weightlifting



ORANJESTAD (AAN) - Hugo Themen a gana un medaya di oro den e campeonato Panamerican Masters Weightlifting Championships cu ta tuma lugar na e ciudad di Chicago, IL-USA for di 13 pa 16 juni 2013. E competencia a tuma lugar den e Ballroom di The Westin Northwest Hotel. Hugo cu a bay bon prepara ta logra gana medaya di Oro pa Aruba den su categoria di 77kg y grupo di edad 55-59. Den e grupo di edad a competi en total 19 atleta y den categoria di 77kg a competi 4 atleta. Hugo su hisadanan ta den snatch 80kg, clean & jerk 100kg y un total di 180kg. segundo lugar a bay pa Gerald Huth di Merca cu un total di 171kg y tercer lugar a bay pa Jose Delorme di Puerto Rico cu 161kg total. Aruba Amateur Weightlifting Association ta manda palabra di pabien na Hugo Themen cu a logra gana medaya di Oro pa Aruba den e campeonato Panamerican Masters Weightlifting Championships na Chicago, IL na Merca.

